

滕縣志卷首

圖經

滕蓋以一邑而包春秋侯國之地者三矣以今圖按之縣治爲小邾地西南滕城爲滕地南薛城爲薛地而三國外諸國地又多所分割如東北濰水東南昌慮皆邾地也東之斗城齊靈邱也西之郁郎魯郎邑也西南戚城戚縣也而謹城湖陵滕壤皆得至焉或分其半或割其一隅多者數十里少者數里衡百七十而遙縱或倍之水北等社東北隸繞泗費百三十里泉河等社越利國而孤懸東南徐邳間二百餘里而猶隸滕者豈所謂犬牙相制之勢然歟

滕志

卷首

圖經

一

然滕地所以大者蓋由魏隋置郡後雖改置不一而地則仍舊 國家定鼎燕薊滕爲徐兗門戶始與徐州埒重矣乃爲圖首境內山川次縣治城郭益之學署井田漕渠薛鼓俾覽者徵文獻如指掌焉

滕志圖考

郡塢生劉樹屏
邑儒徐子燦繪圖



滕志

卷首

圖經

一








井田之制創自黃帝三代因之寓兵於農伏險於順法至
 善也周禮凡治野夫間有遂遂上有徑十夫有溝溝上有
 畛百夫有洫洫上有涂千夫有澮澮上有道萬夫有川川
 上有路百里之內川與路縱橫各九而澮與道則各九十
 也漢食貨志云理民之道地著為本故必建步立畝正其
 經界六尺為步步百為畝畝百為夫夫三為屋屋三為井
 井方一里是為九夫八家共之各受私田百畝公田十畝
 是為八百八十畝餘二十畝以為廬舍井井相連其規模
 宏遠不知五十里之滕何以可行也夫人幼而學之壯而
 欲行之子輿氏當日游齊梁久兩河內外田肥美東海之

濱沃野千餘里可資以行井田者多有而進說弗及焉若
 專留此一奇以為吾滕策蓋有性善堯舜之君而後可以
 行三代之良法仁政區區原隰之廣狹幅幘之短長庸足
 計乎

滕志 卷首 圖經 六



滕志 卷首 圖經 七



取半以下爲投壺禮盡用之爲射禮

鄭氏曰此薛擊鼓之爵也圖者擊擊方者擊鼓古者舉事鼓各有節聞其節則知其事矣投壺之鼓半射節者投壺射之細也射謂燕射 圖音圓擊薄迷反鄭呼爲擊也其聲下其音榻榻然榻音吐臘反口方鼓鄭呼爲鼓也其聲高其音鐘鐘然鐘音吐郎反

孔穎達引正義曰以鼓節有圖點有方點故以爲圖者擊擊方者擊鼓若頻有圖點則頻擊擊聲每一圖點則一擊擊聲若頻有方點則頻擊鼓聲也記者因魯薛之異圖而記之但年代久遠無以知其得失

勝志

卷首

圖經

十

續修滕縣志敘

事待百年而後舉者始之必有其人成之必有其時今欲網羅掌故繼武前賢臧否人倫垂鑒來世事之大者也一代之史動合數十家之傳述

勝志

卷一

王序

一

以折其中一邑之書亦必用數十人之耳目而定於一主之者邑大夫則予奪之權無所分采之者鄉先生則是非之真不能欺雖然必其人公而無私廉而不污不立異不

苟同不市名不避怨上下和
信而後事期有成今滕兼三
國五邑不可謂褊小矣
國家累洽重熙車書會同幅幘
萬里

皇上方詔諸儒臣修一統志內自

滕志

卷一

王序

二

畿輔外達方州罔弗蒐輯備
徵文獻况滕界交徐夙稱善
國而近聖人之居乎余以甲
辰承乏茲土進紳耆而諭之
僉曰邑志修於有明丁卯成
於乙酉續於壬申再續於我

朝康熙癸丑時則有鄉先達侯

公維藩侍御王公對峯比部

張公還白進士黃公畹九劉

公若木孝廉陳公諧堂王公

鳧南皆經闔境數十人采修

同時十數人叅校邑侯楊公

滕志

卷一

王序

三

荆公任公黃公持衡而總其
成凡修皆四十餘年今人之
才不如昔而計其時已再倍
譬昏夜有求於幽室臆揣冥
搜而無實據此專之難也左
畫圓右畫方築室道謀聚訟

盈廷愈久不斷此眾之難也
余曰諸君子信知其難則何
難之有於是出示七十二保
廣延訪謹條規是否叅之與
評公論核之舉保其於舊志
川原之形勢風俗之流沿戶
口之殷繁賢才之登進微顯
闡幽發凡起例其爲因者什
之八變者什之二損者一增
者三夫志者國史之流也省
之志取諸郡郡之志取諸邑
邑之志采諸鄉一邑者天下

之分而邑志者一統志之始
目非矢公矢慎勿濫勿遺則
辨不詳擇不精言不雅馴近
而一時知其誣遠而後世議
其失然則斯志之修敢云足
備文獻以待輔軒哉其爲公
耶私耶廉耶污耶異耶同耶
名耶怨耶余與諸君子共之
皆
道光二十六年歲次丙午嘉
平上浣之吉文林郎知滕縣
事加同知銜湘西王政撰

後序

昔李吉甫作元和郡國志謂為政者執此可以治天下豈不以志與史同土風謠俗學校師備與夫禮樂刑政諸大端備具其中擴充而厝之天下裕如哉顧江文通有言志不易作則又以始事之難難於修史古太史氏多世其官其籍具在有所受之權斯歸焉邑志唯訪諸故老得之流傳往往見聞異辭末由折衷縱三長備擅亦窮於無如何故曰難也若乃踵事力省而功倍又或時移世隔遺老盡矣而私家記載半毀於耗蠹坐是因循畏難愈久愈湮致使前人之幽潛不著一邑之掌故闕畧而不備緊誰職其

卷一 後序

咎歟滕志之不續百二十又九年湘西續堂先生莅是土甫下車卽延邑搢紳先生於庭而商榷焉和衷共濟矢慎矢公不期月而蕙寧竊維滕之初封肇自黃帝歷數千年而疆寓之損增建置之源委原書具矣吾獨異其在戰國時以區區五十里猶能於戎馬躡躡之餘彊為善國卓然於泗上十二諸侯之上况自置郡以來兼三國包五邑袤延三百餘里甲乎二東南連江淮北走燕冀古所稱通都大邑無過此者矣地大則物豐民擾為善有資故忠孝節廉代有傳人篤生其間所冀邑人士憤發興起希踪往詰企尼山之私淑而克接孟氏之芳隣也至道一之旨萬古

為昭井田庠序之模百代不易斯志之所垂豈直姬休元和郡國志云爾哉任城王庸立撰

滕志

卷一

後序

舊序

自班孟堅因禹貢及周禮職方作漢地里志嗣後郡邑各
自有紀乘皆命之曰志夫志者信今傳後以誌不朽也滕
古小邾地在周爲封國戰國七篇滕凡九見文公之里聖
賢之鄉也幅輳兼三國五邑非昔日所云五十里其間文
人墨客詞壇中豈無孟堅輩作志以誌不朽者植自己已
承乏滕邑卽知滕之志爲侍御王公筆壬戌一炬已成煨
燼殊不能羅二十四軸於一掬中也久之搜得公志一帙
閱之恍若桃源乍歸華胥初覺雲山草樹都在目中卓哉
史筆爲一邑之文獻矣卽重刊之自足徵信當世但公定

滕志

卷一

荆序

志之後已閱四十八載山川萬古不改事變有時而新滕
經兵燹城郭僅存人民半非此番草昧經綸敢曰廢而復
舉爲締造者寫苦心也植俗吏無如椽筆非其任還白張
先生以文章名世自西曹里居如王子喬拱手謝時人不
諾文字請久矣植懇之曰從妖氛蕩平已十年於茲矣滕
志未修使名勝高賢黯然無色非獨有司責抑鄉紳恥也
先生因取侍御志稍加錯綜間有附益尤嚴考證歷寒暄
而告竣仍計八卷題其首日滕志續編植謂一邑風俗係
乎政治而奢儉爲風俗之源故曰紀之無關於政治風俗
奢儉緩急之故者則志不取焉昔禹貢所紀田賦高下墳

墟黎赤以至篠簜篋籥龜魚之細周禮則及於山藪川浸

男女畜擾之粗何其儉且詳也孟堅知奢不可訓而儉是
因尤詳於風俗緩急之故豈無爲也昔子輿策滕政治曰
取民有制言性善不置其於奢儉風俗何如也至籌築薛
一恐又曰濶爲善重守也深洞緩急之故矣滕昔蕞爾間
於齊楚遷難守亦不易彼其惓惓爲滕借箸者非無見而
然正恃性善風俗緩急是其耳茲者登變萊警東土鼎沸
植與滕之士紳殘黎日夜戒嚴築城鑿池不遺餘力今日
獨無可恃乎植不肖不能力行有愧善國植觀滕之君子
焉野人焉斌斌性善風俗美而人心一緩急可恃以無恐

滕志

卷一

荆序

二

植於是而益快孟堅之善因也植讀是編因王公筆書美
書惡紀災紀祥品一人已往若有生氣頌一事人心咸有
激勸信有功於政治風俗奢儉緩急之故當不在孟堅下
也黜綴勝槩猶其緒耳

崇禎壬申清明日賜進士文林郎知滕縣事河東荆爾植
書於滕陽公署

舊序

滕故有志然疎畧無倫次不足以備文獻觀者少之余初
莅滕日即擬修之而難其舉久之乃與鄉先生王公謀王
公曰是其鄉人之恥也士君子生於其鄉而不能嫻故典
為詞命成一家之言徒使訛謬相沿貽咄往代此司馬氏
所以發憤而太息者也余其何辭乎余嘉王公言乃為開
館公署辟諸儒給筆劄具餼廩聽公所指公自出古籍千
餘卷又旁搜故典編及邑中碣刻再歷伏臘志草告成余
與公閱之始圖經次沿革諸譜次災祥次山川次方物次
風俗次創設次賦役次祠祀次古蹟次列傳為卷凡幾而

滕志

卷一 楊序

舊志之汰去者十八卓然一邑文獻矣乃慨然有感曰志
者譜記之謂也音樂匪志則無以辨宮商鼎彝匪志則無
以窮世代然總之則歸於文故曰言之無文行之弗遠矧
邑志與廢所闕備往蹟而昭鑒戒又可以不文行之乎今
滕志文矣余得而縱觀之以悉滕之始末夫方滕之在春
秋名爵等於曹邾疆土侔於陶薛故盟會不列至稱卑小
乃其志之所述則帶黃河阻清濟龍桃諸山綿亘其中地
饒稷稻魚鹽之利民俗習於擊兔伐狐開雞走狗梟捷成
性則亦雄區也使當其時有謀臣若子產范蠡輩佐其中
材之主交楚而不倚於楚交齊而不倚於齊內修戰具廣

集說士楚警則守黃河而文告於齊齊警則守清濟而文
告於楚魯宋鄭魏皆臂運而指使之而問伺隙徼犄角之
利當楚平之末則吾渡河而取彭城齊莊之世則吾渡濟
而取卽墨晉滅曹吾取重邱楚伐宋則吾取睢陽內用管
子邱甲之術而外修孟軻氏仁義之政卽未能爭長齊楚
然亦可以觀時而不至早亡惜乎不然則地之興廢豈不
由人哉方今皇明混一南北舟車輻輳其中故候人境上
奔命縣官擁篲郊迎日不暇給加以天災流行土地荒蕪
未盡墾戶口逃移未盡復敝將莫知所極調停之方豈亦
有在乎然而余非其人也故為之慨然

滕志

卷一

楊序

二

萬曆十三年十一月吉日知滕縣事東明楊承文撰

滕縣志序

承乏滕邑歷今四載夙夜冰兢深以不克負荷是懼
蓋今日之滕兼三國五邑紛然并治而非當年五十里
可以為善國之滕也溯滕之受封始於黃帝再建於成
周其間或興或滅或分或併或附於徐或東屬於充
或為縣或為州制不一定名亦隨之迨後陞兗州為府
降濟寧為州滕縣遂屬乎兗州而其制亦一定而未
有改焉滕鄒魯接壤也高山大川接乎泰岱通於洙泗
依孟氏之芳隣望尼山而仰止文人秀士孝子忠臣卓
然而為史冊之光者自昔然矣汶也簿書期會之暇欲

滕志

卷一

黃序

周覽而憑弔之既以政治紛煩日無寧晷即欲借前人
之舊本以自成一言又非如椽之筆恐其見譏大雅
撫心自問實有未安幸 郡伯金公名一鳳山陰人為
名教干城作風流太守本歐陽實學做五代鴻篇凡其
所屬咸論以修志為要務誠以志也者可以觀天時可
以察地理可以驗人心之淳漓可以見政事之得失所
係洵非渺小也滕志自有明修於萬曆時則有先達御
史王公任其事偉哉真一代史筆也難乎其繼矣再修
於崇禎又有先達比部張公復踵其事駸駸乎有全
之目焉追我

朝定鼎以來康熙癸丑之歲復奉

旨修志而滕邑之大觀備見於茲矣獨是山川既萬古不易
其間災祥互見忠孝廉節又時有其人苟不誌之恐其
後益湮沒而不可考於焉詢諸父老諒之紳士僉曰吾
邑中孝廉公若陳君貞元王君策軒張君龍錫陳君開
文秦君季華張君韻珂其人者品望文章邑中首推蓋
以此事重托之而請君子亦不辭辛苦共襄厥事獨陳
君貞元書未成乘鐸萊陽王君策軒輩自始事以至終
事發凡起例其命意直欲笑過前人是一邑之光也修
志豈不在得人哉然汶於此又有感焉天下之大英人

滕志

卷一

黃序

二

傑士所在多有豈獨一滕况

聖天子車書一統幅幘之廣亘古僅見凡屬禮教信義之區
淪肌浹髓之地無不蒸蒸日上治矣汶敢以此自多
乎哉書既成用以報我 金公倘或當代名公鉅卿不
遺採擇則滕邑幸甚汶亦幸甚

肯

康熙五十五年歲次丙申秋八月上浣之吉文林郎知
滕縣事加三級紀錄三次新安黃浚秀宗撰

舊序

璣束髮卽事遠遊至輒覽其山川風土所見聞多殊間欲以耳目所漁獵稍裒集之如班扶風之紀地理謝不敏也壬子承乏滕邑兼三國五色之地衝疲實甚賦逋民貧百廢難舉三十年來十易其吏究無一善狀璣因滋懼竭厥奔走無寧晷文園墨林概爲廢格客秋奉修志之旨天下郡國咸將拜版而登煌煌乎鉅典哉往者成化中命

儒臣纂一統志篇帙雖繁或猶以採輯未備譏之我國家混一九有遠邁前古從此飛文灑翰包羅萬象載飾太平之業於焉稱盛滕以彈丸地數罹兵燹旁蒐邑乘僅有殘

滕志

卷一

任序

一

編身鄙小吏兢兢於簿書期會不暇將何以仰副成命乎用是搜輯遺文咨詢掌故深以負乘貽羞四閱月得告成事焉敬題數言於簡端以附拜手颺言之列

康熙十二年歲次癸丑夏五月天中節

賜進士第文林郎知滕縣事閩中涇陽任璣敬題

舊志弁言

邑志修者屢矣余束髮爲諸生時見傳鈔志二本比時典籍未備而採搜未廣故實旣多遺漏而體裁亦少倫次至隆慶丁卯侯君維藩始芟其繁蕪而潤色之搜梓今十九年所矣然而體裁多襲其故至萬曆癸未余歸田而楊公治滕且三年墜者舉廢者興凡公署橋梁一起而新之政成之暇復以邑志委余而謂之曰志所以信今而傳後者也故實不備則無徵體裁失倫則不雅君子於舊志猶有遺恨矣君其重葺之余辭不獲命乃益發精神家藏分籍披閱而以諸生神用遍思境內搜殘碑斷楊詢亭父邑老

滕志

卷一

弁言

一

凡有所關隻句片語皆隨手記錄以授余而余又取他郡邑善志出百宗工鉅匠者倚爲模式補綴其闕漏而易置其體裁凡爲一圖經六譜八志七列傳蓋兩更春秋始就稿已乃深維曰夫志者古國史之流也上明先王之跡下辯人事之記別嫌疑明是非善善惡惡補敝起廢俾圖治者有所折衷非夫閱覽博物崇論雄辯然後可成一家言余不佞以庸劣棄於時顧令載筆執要以鏡於得失之林譬之未能操刀而代大匠斯惴惴焉惟傷手是懼惡得所謂信今而傳後哉雖然大厦之成非一木之枝構榱侏儒備林匠氏於是卒成蕪志八卷以存一邑文獻已耳如其

成書以俟來哲

萬曆乙酉秋八月邑人王元賓謹識

滕志

卷一

弁言

二

滕縣志卷一

凡例

一舊志係前輩名公手蹟卓然成書無庸更議其稍變通者多本邑王鳧南先生修志瑣言張倬章先生修志類畧

一古魯衛百里各有分星類畧云宜於地理志內首列星野推步未精故仍闕如

一舊志無漕渠查漕經滕五十餘里合邑眾流入湖濟運倉庾儲積生民利病所關謹登入

一孟子亞聖不宜儕賓客中許行左道亂政不宜並列春秋鄉甲漢度尚不得稱儒今易賓客為賓師於僑寓上儒林去甲名尚入武功傳

一貞夫義夫殉難舊皆繫隱逸傳列方技下疑先後非倫今合義於孝合殉難於貞曰孝義曰忠節次隱逸次方技以人物志統之

一凡家傳稱公郡邑志俱名此史例也按邑志自還白先生而後書法一變先生於前志不點竄隻字僅載續筆傳文蓋多依據諸家誌銘碑版而為之者抑謂此一邑之書未敢上擬國史歟今仍舊以俟後賢

一邑有先達光耀國史則采史入志即近代亦注明据某

先生所作家傳行狀碑表加刪削則曰節加彙括則曰見或注舊志採訪以昭大公

一春秋三國舊志首宦業唯言為世家今從瑣言滕薛二篇采魚邑東泉馬氏

一本瑣言增掾曹本府志增雜志

一歷代封爵皆膺空號其人又無善可稱余永蹈廣陽姓名已見於表傳宜從畧

一職官無實可錄者姓名備書於表瑕瑜互見從舊志存直筆也其已具列傳者祇注有傳二字

一孔氏居滕十餘世其名籍隸曲阜今增列表傳仍別於

滕志

卷一

凡例

二

本邑

一舊志載公孫宏充志不載通志据漢地里志路史齊乘

諸書以宏為菑川人今易以蓋寬饒傳据金承安碑以

宏軼事載雜志

一丙申續修陳王兩先生皆去其時筆削或假手幕友義

複文繁今加刪正承訛襲謬誠恐未免惟望後之君子

助所不逮焉

湘西王政績堂氏識

縣志目錄

卷首

圖經

卷一

新序 舊序 凡例

沿革

附表

封爵譜

秦漢以上守令 歷朝守令 教職 武職 雜職

職官譜

表一

卷二

選舉譜

表 科貢 例貢 雜途

封贈譜

表

滕志

卷一

目錄

武功爵譜

表 指揮 千戶

卷三

山川志

溝渠 風俗 方物

卷四

賦役志

田地 戶口 貢賦 徭役 軍餉

祠祀志

文廟 壇壝 神祠

卷五

建置志

城鎮 建坊 橋 市集 村店

灾祥志

古蹟志

鄉井 亭壑 宮殿

卷六

春秋三國世家

官績志

寶師

僑寓

卷七

人物傳 列傳

卷八

人物傳 吏治 權曹表傳附

卷九

廉志

卷一 目錄

二

人物傳 忠節 王戌殉難 孝義 孔氏選舉 傳 歷述 方術

卷十

列女傳 上

卷十一

列女傳 下

卷十二

藝文 上 記 序 碑 文 賦 駢體 祭文 著 考 辨 議

藝文 中

卷十三

藝文 下

卷十四

雜志

考異

軼事

藝文補

古蹟補

廉志

卷一 目錄

三

重修滕縣志姓氏

總修

賜進士出身同知銜滕縣知縣王政績堂湖南善化縣人

纂修

齊寧州本邑辛卯科舉人王庸立柳門黃來麟治山

協修

戊辰科舉人張涵宏菴

癸酉科拔貢候選教諭趙來麒中美

廩生李簡堂敬齋

庠生楊表松喬

滕志

卷一

姓氏

監生賈蔚秀岑

廩生張金第靜涵

附貢生候選訓導魯芬馨蔚西

廩生郭錯貞白

廩生王斌右文

廩生張學杜懷白

丁酉科舉人黃來長鑄海

庚子科舉人殷獻昌曉村

候選兵馬司副指揮附監生徐甲相季卜

廩生郭鑫芝田

附貢生候選訓導張金南麗江

布衣郭鈿寶田

庠生賈繼承伯贊

監生高鴻寶子書

廩生趙毓芝秀田

採修

歲貢生張毓壬曉之

歲貢生杜鍾景文

歲貢生安邱縣訓導甘重福錫五

歲貢生張正炯曉村

滕志

卷一

姓氏

己卯科舉人陵縣訓導金德宣沛卯

癸卯科舉人孔昭昫曉村

庠生楊素涵

庠生王曉林桐岡

廩生孟瑞霖

廩生王化宇袁人

庠生丁蘭皋

廩生劉兆奎

庠生李青菴

庠生閻伯榮錦堂